

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«13» «18» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղարի պարտականությունները կատարող՝ Վահրամ Գասպարյանի, որը գործում է պետական մարմնի կանոնադրության հիման վրա, մի կողմից, և «Հայաստանի ազգային կինոկենտրոն» պետական ոչ առևտրային կազմակերպությունը (այսուհետ՝ կազմակերպություն), ի դեմս կազմակերպության տնօրենի պաշտոնակատար՝ Շ. Միրզախանյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում)՝ որոշման «1168. Արվեստների ծրագրի» «11005. Մշակութային միջոցառումների իրականացում» միջոցառման (տող՝ «Միջազգային մշակութային համագործակցության իրականացում, սփյուռքի հետ համագործակցություն, հայ մշակույթի պահպանում») (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «Հայ կինո 100» միջազգային համաժողովը» (այսուհետ՝ միջոցառում)՝ համաձայն սույն պայմանագրի անբաժանելի մաս կազմող՝

- 1.1.1. ծրագրի՝ Հավելված N 1,
- 1.1.2. նախահաշվի՝ Հավելված N 2:

2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային

այսպիսով և ծախսային ուղղության տողերի գումարի 10 տոկոսի չափով շեղում՝ չխախտելով արումների համար սահմանված նորմերը:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման կազմակերպությանը՝ լրամշակման համար սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

2.4. Կազմակերպությունը պարտավոր է՝

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և

այնպիսի միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5.0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել **«Գնումների մասին» Հայաստանի Հանրապետության օրենքով սահմանված կարգով,**

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան սույն պայմանագրի 4.1-ին կետով հաշվետվությունների համար սահմանված ժամկետից հետո 20 օրվա ընթացքում:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1 կետում նշված միջոցառումների իրականացման համար պետական մարմինը կազմակերպությանն է հատկացնում է **26502,6 հազար** (քսանվեց միլիոն հինգ հարյուր երկուսիս հազար վեց հարյուր) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 1-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ

տակների և չօգտագործված գումարները 2023 թվականի ընթացքում ենթակա են քրադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագրով նախատեսված միջոցառումների կատարման ժամկետը մինչև 2023 թ. նոյեմբերի 5-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը:

4.2. Սույն պայմանագիրն ուժի մեջ է մտնում կողմերի կողմից ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհ ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (\$ՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց

և որը կողմերը չէին կարող կանխատեսել կամ կանխարգելել: Այդպիսի իրավիճակներն են գրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎՈՒՄԵՐԱՊԱՅՄԱՆՆԵՐՆ ՈՒ ԱՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

ՀՀ կրթության, գիտության,
մշակույթի և սպորտի
նախարարություն

ք.Երևան, Կառավարական 2 շենք
ՀՀ ՖՆ գործառնական վարչություն
Հ/Հ 900011032878
ՀՎՀՀ 02698732

Գլխավոր քարտուղարի
պարտականությունները կատարող՝

Կ.Տ. _____ Վ. Գասպարյան
/ստորագրություն/



ԿԱԶՄԱԿԵՐՊՈՒԹՅՈՒՆ

«Հայաստանի ազգային կինոկենտրոն» ՊՈԱԿ
ք.Երևան, Տերյան 3ա

ՀՀ ՖՆ գործառնական վարչություն
Հ/Հ 900018001744
ՀՎՀՀ 01203271

Տնօրենի պաշտոնակատար՝

Կ.Տ. _____ Շ. Միրզախանյան
/ստորագրություն/

ԾՐԱԳԻՐ

«Հայ կինո 100» միջազգային համաժողովի

1	Կազմակերպության անվանում	«Հայաստանի ազգային կինոկենտրոն» ՊՈԱԿ
2	Կազմակերպության գտնվելու վայր	ՀՀ. ք. Երևան, Տերյան 3/ա
3	Ծրագրի անվանում	«Հայ կինո 100» միջազգային համաժողով
3.1	Բովանդակություն	<p>Հայ կինոյի 100-ամյակը ներառվել է ՅՈՒՆԵՍԿՕ-ի 2022-2023թթ-ի հորեյանական միջոցառումների ցանկում, որի համատեքստում սույն թվականի նոյեմբերի 1-4-ը Երևանում կանցկավի Հայ կինոյի 100-ամյակին նվիրված միջազգային համաժողով:</p> <p>Համաժողովի ընթացքում կքննարկվեն հետևյալ թեմաները՝</p> <ul style="list-style-type: none"> • Կանանց ներդրումը կինոյում • Կինոժառանգության պահպանման, վերականգնման և տարածման մեխանիզմները • Պետական քաղաքականությունն ու կառավարման համակարգերը տեսալսողական ոլորտում • Կինոարտադրության զարգացման և կինոարտադրանքի տարածման մեխանիզմներն ու հեռանկարները <p>Նոյեմբերի 2-ին համաժողովի հյուրերը անհատական ելույթներ կունենան զեկույցների տեսքով, որոնց կհետևի «հարց ու պատասխան» ֆորմատով քննարկում: Զեկույցների հիմնական թեմաներն են՝ կանանց ներդրումը կինոյում և կինոժառանգության պահպանում, վերականգնում և տարածում:</p> <p>Նոյեմբերի 3-ին քննարկումները անցկացվելու են պանելային քննարկման ֆորմատով, որի ընթացքում ոլորտի տեղացի և արտասահմանյան տարբեր մասնագետներից կազմված մի քանի խմբերի հետ կքննարկվեն կինոարտադրության զարգացման մեխանիզմները և հեռանկարները, կինոարտադրության ոլորտում պետական քաղաքականությունն ու կառավարման համակարգերը ինչպես նաև միջազգային համագործակցության հեռանկարներն ու անհրաժեշտ քայլերը :</p>

		<p>2023թ. նոյեմբերի 1-4-ը Հայաստան կժամանեն Միջազգային համաժողովի մասնակիցներ՝ ոլորտի մասնագետներ, որոնք պատրաստակամ են ներկայանալ համաժողովին ելույթով և կիսվել իրենց փորձով: Մասնակիցների թվում են տարբեր երկրների կինոկենտրոնների, արխիվների, սինեմատեկերի ներկայացուցիչներ, կինոգետներ և կինոքննադատներ, որոնց կմիանան նաև հայ մասնագետները:</p> <p>Համաժողովը կանցկացվի համաժամանակյա թարգմանությամբ՝ անգլերեն, ֆրանսերեն, հայերեն, պարսկերեն, ռուսերեն լեզուներով:</p> <p>Համաժողովին կմասնակցեն նաև արտասահմանից՝ առցանց տարբերակով երեք հոգի:</p> <p>Աշխատանքային օրերի ավարտին հյուրերը կմասնակցեն մշակութային միջոցառումների՝ ներառյալ հայկական կինոժառանգության ֆիլմի դիտում: Նախատեսված է նաև հյուրերի այցը «Գառնի» պատմամշակութային արգելոց-թանգարան և Գեղարդավանք (Կոտայքի մարզ):</p> <p>Հանդիպմանը կմասնակցեն մոտ 100 կինոգործիչներ և կինոարտադրողներ, ինչպես նաև ուսանողներ և դասախոսներ՝ կինոարտադրությանն առնչվող ԲՈՒՀ-երի մասնագիտական ֆակուլտետներից:</p>
3.2	Նպատակ	<p>Ծրագրի նպատակն է ներկայացնել հայ կինոյի պատմությունը և դրա նշանակությունը համաշխարհային արդիության համար՝ հատուկ շեշտադրելով կանանց ներդրումը և նրանց ավանդը հայկական կինեմատոգրաֆիական լանդշաֆտի վրա, ինչպես նաև կստեծվեն նոր կապեր և միջոցներ կինոարդյունաբերությունն և տարածումը նոր՝ ավելի բարձր հարթակների հասցնելու համար:</p>
3.3	Անցկացման ժամկետ	2023թ.նոյեմբերի 1-ից- 4-ը
3.4	Անցկացման վայր	Հայաստան, Երևան, Անի Պլազա հյուրանոց, Սայաթ-Նովա 9-ը:
3.5	Ակնկալվող արդյունքներ	<p>Արդյունքում կավելանան հայկական կինոարվեստի մասին ուսումնասիրությունները հետաքրքրություն կառաջանա հայկական կինոյի հանդեպ, կստեղծվեն նոր գործնական կապեր արտասահմանյան կինոարխիվների, կինոկենտրոնների և կինոարտադրողների հետ, կավելանա հայ կինոարտադրողների տեղեկացվածությունը միջազգային, արդի կինոարտադրության</p>

		ոլորտում գործող մեխանիզմների վերաբերյալ և կավելան արտասահմանյանի հյուրերի հոսքը Հայաստան, ինչը կնպաստի զբոսաշրջության զարգացմանը:
3.6	Ոչ ֆինանսական ցուցանիշներ	Համաժողով՝ 1 Մասնակիցներ՝ 100 Ֆիլմի ցուցադրություն՝ 1

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի նախարարություն
ք.Երևան, Կառավարական 2 շենք
ՀՀ ՖՆ գործառնական վարչություն
Հ/Հ 900011032878
ՀՎՀՀ 02698732
Գլխավոր քարտուղարի պարտականությունները կատարող՝

Կ.Տ. /ստորագրություն/ **Վ. Գասպարյան**



ԿԱԶՄԱԿԵՐՊՈՒԹՅՈՒՆ

«Հայաստանի ազգային կինոկենտրոն» ՊՈԱԿ
ք.Երևան, Տերյան 3ա
ՀՀ ՖՆ գործառնական վարչություն
Հ/Հ 900018001744
ՀՎՀՀ 01203271

Տնօրենի պաշտոնակատար՝

Կ.Տ. /ստորագրություն/ **Շ. Միրզախանյան**



ՆԱԽԱՀԱՇԻՎ

«Հայ կինո 100» միջազգային համաժողովի» իրականացման ծախսերի

Հ/Հ	Ծախսատեսակի անվանումը	Չ/Մ	Քանակ	Մեկ միավորի արժեքը (հազար դրամ)	Գումարը (հազար դրամ)
1.	Ճանապարհածախս՝ ավիատոմսեր, այդ թվում՝				9860,0
1.1	Մեծ Բրիտանիա-Երևան-Մեծ Բրիտանիա	հատ	3	350,0	1050,0
1.2	Թբիլիսի- Երևան- Թբիլիսի	հատ	1	100,0	100,0
1.3	Սերբիա- Երևան-Սերբիա	հատ	1	350,0	350,0
1.4	Ֆրանսիա-Երևան-Ֆրանսիա	հատ	5	680,0	3400,0
1.5	Իտալիա-Երևան-Իտալիա	հատ	2	340,0	680,0
1.6	Իրան-Երևան-Իրան	հատ	2	380,0	760,0
1.7	Բելգիա (Բրյուսել)-Երևան-Բելգիա (Բրյուսել)	հատ	1	330,0	330,0
1.8	Էստոնիա-Երևան-Էստոնիա	հատ	1	380,0	380,0
1.9	Մոսկվա-Երևան-Մոսկվա	հատ	2	130,0	260,0
1.10	Մոլդովա-Երևան-Մոլդովա	հատ	1	390,0	390,0
1.11	Մոնտենեգրո-Երևան-Մոնտենեգրո	հատ	2	360,0	720,0
1.12	Գերմանիա-Երևան-Գերմանիա	հատ	1	380,0	380,0
1.13	Լեհաստան-Երևան-Լեհաստան	հատ	1	520,0	520,0
1.14	Լատվիա-Երևան-Լատվիա	հատ	1	540,0	540,0
2.	Կեցության ծախսեր, այդ թվում՝				2472,0
2.1	սննդի ծախս (միջինը)՝ 24 մարդ x 3,5 օր	մարդ/օր	84	8,0	672,0
2.2	հյուրանոց՝ 24 մարդ x 3 օր	մարդ/օր	72	25,0	1800,0
3.	Վարձակալության ծախսեր, այդ թվում՝				3460,0
3.1	դահլիճ՝ ֆիլմերի ցուցադրության համար (միջին գին)	հատ	3	513,3	1540,0
3.2	դահլիճ՝ կոնֆերանսի համար՝ (2 օր)	հատ	1	250,0	500,0
3.3	սինխրոն թարգմանիչներ համար սենյակ՝ (2 օր)	հատ	1	80,0	160,0
3.4	խոսափող՝ (2 օր)	հատ	20	5,0	200,0
3.5	աուդիոհամակարգ բարձրախոսների համար՝ (2 օր)	հատ	1	200,0	200,0
3.6	ծայնագրման սարք՝ (2 օր)	հատ	1	60,0	60,0
3.7	տեսախցիկ՝ (2 օր)	հատ	2	200,0	400,0
3.8	ականջակալներ՝ (2 օր)	հատ	100	4,0	400,0

4.	Տպագրական ծառայություններ, այդ թվում՝				112,0
4.1	բաներ (2 հատ x 1,7 ըմ x 3,5 հազ. դր.)	հատ	1	12,0	12,0
4.2	օրակարգ (100 հատ x 1,0 հազ. դր.)	հատ	1	100,0	100,0
5.	Կազմակերպչական ծառայություններ, այդ թվում՝				5474,5
5.1	միջազգային կոնֆերանսի գովազդային նյութերի պատրաստում՝ նոթատետր և գրիչ հատուկ լոգոյով՝ 100 հատ, ֆլայեր՝ 100 հատ, բեյջ՝ 100 հատ, թղթապանակ՝ 30 հատ:	հատ	1	750,0	750,0
5.2	պայուսակ (100 հատ x 3,4 հազ. դր.)	հատ	1	340,0	340,0
5.3	սուրճի ընդմիջում (2 օր x 100 մարդ x 1,5 հազ. դր.)	հատ	1	300,0	300,0
5.4	պաշտոնական ճաշ (45 մարդ x 12,5 հազ. դր.)	հատ	1	562,5	562,5
5.5	հուշանվեր հայկական խորհրդանիշով (24 հատ x 10,0 հազ. դր.)	հատ	1	240,0	240,0
5.6	կազմակերպիչ	հատ	3	110,0	330,0
5.7	ադմինիստրատոր	հատ	3	120,0	360,0
5.8	օպերատոր (2 օր x 50,0 հազ. դր.)	հատ	2	100,0	200,0
5.9	լուսանկարիչ (2 օր x 15,0 հազ. դր.)	հատ	1	30,0	30,0
5.10	սինխրոն թարգմանիչ (2 օր x 6 ժամ x 22,0 հազ. դր.)	հատ	8	264,0	2112,0
5.11	օնլայն հարթակի ապահովում (2 օր x 50,0 հազ. դր.)	հատ	1	100,0	100,0
5.12	տպագրական նյութերի դիզայներ	հատ	1	150,0	150,0
6.	Տրանսպորտային ծառայություններ, այդ թվում՝				640,0
6.1	միկրավտորուս՝ 24 մարդու համար (2 օր x 2 հատ x 40,0 հազ. դր.)	հատ	1	160,0	160,0
6.2	ամտոմեքենա (2 օր x 24 երթ x 10,0 հազ. դր.), դիմավորում և ճանապարհում	հատ	1	480,0	480,0
7.	Վարձատրություն, այդ թվում՝ (ներառյալ հարկերը) *				67,0
7.1	համակարգող	մարդ	1	67,0	67,0
	ԸՆԴԱՄԵՆԸ				22085,5
	ԱԱՀ**				4417,1
	ԸՆԴԱՄԵՆԸ, ներառյալ ԱԱՀ				26502,6

* Շախտերը պետք է իրականացվեն բացառապես ՀՀ աշխատանքային օրենսգրքով սահմանված կարգով
 **ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

ՊԵՏԱԿԱՆ ՄԱՐՄԻՆ՝
 ՀՀ կրթության, գիտության, մշակույթի
 և սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 900011033348, Հ/ՀՀ 02698732
 Գլխավոր քարտուղարի պարտականությունները
 կատարող
 Վ. Գասպարյան



ԿԱԶՄԱԿԵՐՊՈՒԹՅՈՒՆ
 Հայաստանի ազգային կինոկենտրոն՝ ՊՈԱԿ
 ք.Երևան, Տերյան 3ա
 ՀՀ ՖՆ գործառնական վարչություն
 Հ/Հ 900018001744
 Հ/ՀՀՀ 01203271

Տնօրենի պաշտոնակատար՝



ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը _____

Ծրագրի անվանումը _____

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+/- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« ____ » _____ 2023 թ.

Կատարող կազմակերպության ղեկավար

ՓԱՍՏԱԹՂԹԵՐԻՆ ԸՆԴՈՒՆԵՑ՝

_____/_____/ (անուն-ազգանուն) (ստորագրություն) պատասխանատու՝

ՀՀ ԿԳՄՍ նախարարության

Կատարող կազմակերպության գլխավոր հաշվապահ (անուն-ազգանուն) (ստորագրություն)

_____/_____/ (անուն-ազգանուն) (ստորագրություն)

Հավելված N 4

«13» «10» 2023 թ.

N ՄՇԴ-364-2023 պայմանագրի

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
Երևան, Կառավարական տուն 2
ՀՎՀՀ՝ 02698732

ԿԱԶՄԱԿԵՐՊՈՒԹՅՈՒՆ՝

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N

Պետական մարմին՝ ի դեմս ՀՀ կրթության, գիտության, մշակույթի և սպորտի նախարարության գլխավոր քարտուղար _____,

(անուն ազգանուն)

և Կազմակերպությունը, ի դեմս _____ -ի տնօրեն

կազմակերպության անվանում

_____, իմք ընդունելով պայմանագրի կատարման

վերաբերյալ

(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև նախարարության հաշվապահական հաշվառման վարչության « » « » 2023 թ.-ի թիվ Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է _____ միջոցառումը, իսկ Պետական մարմինն վճարել է դրա դիմաց՝ պայմանագրով սահմանված կարգով և չափով:

ՊԵՏԱԿԱՆ ՄԱՐՄԻՆ՝

ԿԱԶՄԱԿԵՐՊՈՒԹՅՈՒՆ՝

ՀՀ կրթության, գիտության, մշակույթի և սպորտի նախարարություն

Գլխավոր քարտուղար՝

Տնօրեն՝

Գլխավոր քարտուղարի տեղակալ՝
